

摘藻堂四庫全書薈要

子部

欽定四庫全書薈要

子部

御定廣羣芳譜卷

七

八

臣

王杰詳校

詳校官主事臣陳木

欽定四庫全書薈要卷一萬五百七十

子部

御定佩文齋廣羣芳譜卷七

穀譜

麥

按大麥小麥統名曰麥原譜尚以小麥為麥而另列大麥于後今從齊民要術併合為一

增說 文麥芒穀秋種厚埋故謂之麥麥屬金金王而生

火王而死 原小麥一名來

又作秣爾雅云小麥秣廣雅云來小麥也本草云麥

字從來從久來象其實久象其根

苗生如韭成似稻高二三尺實居殼

中芒生殼上生青熟黃秋種夏熟具四時中和之氣兼

寒熱溫涼之性繼絕續乏為利甚普故為五穀之貴亦

可春種至夏便收然不及秋種者性有南北之異北地

燥冬多雪春少雨麥晝花薄皮多麪食之宜人南方卑

濕冬無雪春多雨麥受卑濕之氣又夜花食之生熱腹

痛難消亦地氣使然也北麥固佳陳者更良 增廣志

鹵水麥

其實大麥形有縫

稅麥

似大麥出涼州

旋麥

三月種八月熟出西方

赤小

麥

赤而肥稀熟出鄭縣

山提小麥

至黏弱以貢御

半夏小麥虎芒麥

齊民要術

云按今世有落麥者虎芒是也

原大麥一名牟

又作麴爾雅云大麥麴廣雅云牟大麥也

本草云麥之苗粒皆大於來故得大名年亦大也或又作繁班固典引云玄秬黃粳之事是也

莖葉與

小麥相似但莖微麤葉微大色深青而外如白粉芒長

殼與粒相黏未易脫小麥磨麪作餅餌食大麥止堪碾

米作粥飯及喂馬用此其所異也性平涼滑膩作飯寬

中下氣煮粥甚滑磨麪作醬甚甘美春秋皆可種他如

穠麥

本草李時珍云穠麥有二種一種類小麥而大一

種類大麥而大又云是大麥中一種皮厚而色青

者也唐蕭炳云西川人種食之山東河北人正月種之

名曰春穠形狀與大麥相似陳承云作麪脆硬食多脹

人汁洛河北之

赤麥

廣志云有赤麥赤色而肥

青稞麥

本草陳藏器云青稞似大

麥天生皮肉相離秦隴巴西種之王禎農書云青稞有大小二種似大小麥而粒大皮薄多麩無麩西人種之

黑糖麥

見廣志

大抵與大麥一類而異種

增廣志稷麥

出涼州

本草糯麥

大麥有黏者名糯麥可以釀酒

似失麥

彙考增詩鄘風爰采麥矣沫之北矣

原鄘風我行其

野芄芃其麥

增周頌貽我來牟帝命率育箋武王渡

孟津白魚躍入舟出涘以燎後五日火流為烏五至以

穀俱來此謂貽我來牟䟽穀蓋牟麥也

原周頌於皇

來牟將受厥明明昭上帝迄用康年

增禮記王制夏

薦麥 月令孟春之月雪霜大摯首種不入蔡邕章句
太陰干陽雨雪而霜故大傷首種首種謂宿麥也麥以
秋種故謂之首種 季春之月天子乃為麥祈實註於
含秀求其成也 孟夏之月農乃登麥天子乃以彘嘗
麥先薦寢廟註麥之新氣尤盛以彘食之散其熱也

麥秋至 仲秋之月乃勸種麥無或失時註麥者接絕
續乏之穀尤重之疏前年秋穀至夏絕盡後年秋穀夏
時未登是其絕也夏時人民糧食闕短是其乏也麥乃

夏時而熟是接其絕續其乏也

內則麥食脯羹雞羹

䟽謂以麥為飯析脯為羹又以雞為羹三者味相宜也

周禮天官雁宜麥䟽雁宜麥者雁味甘平大麥味酸

而溫小麥味甘微寒氣味相成故云雁宜麥 原左傳

隱公三年夏四月鄭祭足帥師取溫之麥 孟子今夫

麤麥播種而耰之其地同樹之時又同淳然而生至於

日至之時皆熟矣 家語宓子賤為單父宰齊攻魯道

由單父單父父老請曰麥已熟矣今齊寇至不及人人

自收其麥請放民皆使出獲麥可以益糧且不資寇三
請而宓子賤不聽俄而齊寇逮乎麥季孫聞之怒使人
讓曰民寒耕熟芸曾不得食可不哀哉猶可有告而不
聽非所以也宓子賤蹙然曰今茲無麥明年可樹若使
不耕者得獲是使民樂有寇也且單父得一歲之麥於
魯不加強喪之不加弱使民有自取之心其創必數世
不息季孫聞之赧然媿曰地若可入吾豈忍見宓子哉
增前漢書食貨志董仲舒說上曰春秋他穀不書至

於麥禾不成則書之以此見聖人於五穀最重麥與禾也今關中俗不好種麥是歲失春秋之所重而損生民之具也願陛下幸詔大司農使關中民益種宿麥令毋後時註師古曰宿麥謂其苗經冬

後漢書光武本紀

詔曰久旱傷麥秋種未下朕甚憂之

原後漢書馮異

傳光武至南宮大風雨引車入道傍空舍馮異抱薪鄧禹執火光武對竈燎衣異進麥飯

逸民傳高鳳少為

書生家以農畝為業專精誦讀晝夜不息妻嘗之田曝

麥於庭令鳳護雞時天暴雨鳳持竿誦經不覺潦水流
麥妻還怪問鳳方悟之後遂為名儒 增晉書孝友傳

王裒家貧躬耕計口而田度身而蠶或有助之者不聽
諸生密為刈麥裒遂棄之 庾袞母終服喪居于墓側

歲大饑藜藿美不糝門人欲進飯者而袞每日已食莫敢
為設及麥熟穫者已畢而採掇尚多袞乃引其羣子以
退曰待其間及其掇也不曲行不旁掇跪而把之則亦
大獲 魏書樊子鵠傳子鵠除殷州刺史屬歲旱儉子

鵠恐民流亡乃勒有粟之家分貸貧者并遣人牛易力

多種二麥州內以此獲安 釋老志東萊人王道翼少

有絕俗之志隱韓信山四十餘年斷粟食麥 隋書隱

逸傳張文詡河東人也每以德化人鄉黨頗移風俗嘗

有人夜中竊刈其麥者見而避之盜因感悟棄麥而謝

文詡慰諭之自誓不言因令持去經數年盜者向鄉人

說之始為遠近所悉 南史吳明徹傳明徹有粟麥三

千餘斛而鄰里饑餒乃白諸兄與鄉里計口平分同其

豐儉賴以存者甚衆

孝義傳沈崇僚母卒葬後更行

服三年久食麥屑不噉鹽酢

舊唐書高宗本紀儀鳳

三年五月幸九成宮秋七月宴近臣諸親於咸亨殿上

謂霍王元軌曰去冬無雪今春少雨自避暑此宮甘雨

頻降夏麥豐熟秋稼滋榮

玄宗本紀上自於苑中種

麥率皇太子已下躬自收穫謂太子等曰此將薦宗廟

是以躬親亦欲令汝等知稼穡之難也因分賜侍臣謂

曰比歲令人巡檢苗稼所對多不實故自種植以觀其

成且春秋書麥禾豈非古人所重也 五代史回鶻傳

回鶻地宜白麥青麥麴麥 宋史仁宗本紀天聖三年

四月癸巳幸御莊觀刈麥聞民舍機杼聲賜織婦茶帛

禮志仁宗景祐三年禮官宗正請每歲夏孟月嘗麥

配以彘 皇祐五年後苑寶政殿刈麥謂輔臣曰朕新

作此殿不欲植花歲以種麥庶知穡事不易也自是幸

觀穀麥惟就後苑 汲冢周書維四年孟夏王初祈禱

於宗廟乃嘗麥於太祖 穆天子傳天子西征至于赤

烏之人獻稌麥百載天子西征至于鷄韓氏爰有樂野
溫和稌麥之所草 黑水之阿爰有野麥 師曠禽經

澤雉啼而麥齊 原莊子青青之麥生於陵陂 增呂

氏春秋今茲美菜來茲美麥 孟夏之昔殺三葉而穫

大麥註昔終也三葉薺芄也薺薺也薺薺也見三葉之

死則大麥可穫之候也 淮南子濟水通和而宜麥

春秋佐助期麥神名福習 春秋說題辭麥之為言殖

也寢生觸凍而不息精射刺直故麥含芒事且立也

說文斅周所受來年也一麥二年象其芒刺之形天所來也 獨斷老扈氏農正趣民收麥 原曹瞞傳太祖

嘗出軍行經麥中令士卒無敗麥犯者死騎士皆下馬付麥相持於時太祖馬騰入麥中勅主簿議罪主簿對以春秋之義罰不加於尊太祖曰制法而自犯之何以帥下然孤為軍帥不可殺請自刑因拔劍割髮以置地諸葛恪別傳孫權饗蜀使費禕禕停食餅索筆作麥賦恪亦請筆作磨賦咸稱善焉 增秦子孔文舉為北

海相有母病思食新麥家無乃盜鄰熟麥而進之文舉聞之特賞曰不必來謝但勿盜也盜而不罪者以為勤於母也 博物志漢武帝時廣陽縣雨麥 五土所宜

黑墳宜麥黍 玄晏春秋衛倫過予言及於味稱魏故

侍中劉子陽食餅知鹽生精味之至也予曰師曠識勞薪易牙別淄澠子陽今之妙也定之何難倫因命僕取糧糗以進予曰麥也有杏李柰味三果之熟也不同于焉得兼之倫笑而不答退告人曰士安之識過劉氏吾

將來家實多故杏時將發糴以杏汁李柰將發又糴以李柰汁故兼三味 陳留耆舊傳高式至孝永平中螽

蝗為災獨不食式麥 西域諸國志天竺十一月六日

為冬至則麥禾十二月十六日為臘則麥熟 拾遺記

樂浪之東有背明之國其國昏昏常暗宜種百穀名曰融澤方三千里五穀皆良食之後天而死有延精麥延壽益氣有昆和麥調暢六府有輕心麥食者體輕有醇和麥為麴以釀酒一醉累月食之凌冬可袒有含露麥

穉中有露味甘如飴 張華為九醞酒以三薇漬麴蘖

蘖出西羌麴出北方北方有指星麥四月火星出麥熟而獲之蘖用水漬麥三夕而萌芽平旦雞鳴而用之俗人呼為雞鳴麥以之釀酒醇美久含令人齒動若大醉不叫笑搖蕩令人肝腸消爛俗人謂為消腸酒 晉中興書苻健洪第三子健陰圖關中陽使其徒種麥示無西意 水經註汶水入萊蕪谷出谷有平丘面山傍水土人悉以種麥云此丘不宜植稷黍而宜麥齊人相承

以植之 國史補竇氏子言家方盛時有奴厚斂羣從

數宅之資供白麥麴醫云白麴性平由是恣食不疑凡

數歲未嘗生疾其後有奴告其謬妄所輸麴乃常麥非

白麥也羣從諸宅一時暴熱皆發 原杜陽雜編元和

八年大軫國貢碧麥形大於中華之麥表裏皆碧香氣

如粳米食之體輕可以禦風 增孔帖同昌公主出降

賜金麥銀米共數斛此皆條枝國獻 高昌土沃麥皆

再熟 東坡集江湖間有鳥鳴於四五月其聲若云麥

熟即快今年二麥如雲此鳥不妄言也 原東坡詩註

今大內當麥熟時以黃羅帕封賜百官其外題曰麩或

云以蜜漬食尤佳 增朱子詩註小說人有中麥毒者

夢紅裳娘子悲歌有一丸萊服火吾宮之句 空同子

麥種之秋而焦於夏火尅金也麥穗直而芒有兵象焉

湧幢小品洪武初一儒赴台太祖問曰習何經曰業

農太祖曰汝知麥禾之節不同乎對曰禾三節麥四節

禾播種於春至秋而獲凡歷三時故三節麥則歷四時

始成故四節太祖曰是能知稼穡者即擢某州知州
木蘭國有三寸之麥 原梧潯雜佩南方四月雨後尚
有餘寒土人謂之麥秀寒按王勃採蓮賦麥雨微涼又
徐陵集亦有麥冷之語

集藻傳原宋蘇軾溫陶君傳石中美字信美中年人也
本姓麥氏隨母羅氏去其夫而適石因冒其姓始中美
之生也其父太卜氏以連山筮之遇師䷗之爻是謂師
之革䷰曰生乎土成乎水而變乎火坎以縣之坤以布

之釜以熟之口以內之腹以藏之美在其中而暢於四
支能者樂之以為大腹不能者傷之以為心病衆所說
也善莫大焉故因以名字之中美幼輕躁疎散與物不
合得其鄉人儲子之意因使從湓水湯先生游既熟遂
陶而成之為人白皙而長溫厚柔忍在諸石中最有名
儲子因秦故司馬錯李斯子由趙高閭樂並薦於秦王
得與甫田蔡甲肥鄉羊奭內黃韓音子俱召見是時王
方省覽文書日昃未食見之甚喜曰卿等向者安在何

相見之晚耶未見君子慙如調饑卿等之謂也自是皆得進見克上心腹賜爵土更上食典御旦夕召對所獻納時或麕踈上未嘗不盡善也秦王以嫪毐事出文信侯而遷太后怒恚數日不食中美乘機進諫上說賜爵徹侯食溫定陶二縣號溫陶君中美既被任用凡有造作自丞相以下莫不是之其為人柔和有以塞讒人之口故也他日秦王坐朝日旰意有所思亟召中美將虛以納之中美不熟計以進其說頗剛鯁志不快之者累

日有博士單軫說上曰為其所傷矣宜有以下之即無
患因進其弟子已升元華於上上意稍平然自是遂疎
中美不得為尚食矣中美曰吾為尚食日夕自謂不素
餐者今吾與羊生輩皆不得進縱復有用者將誅辱乎
昔也得充心腹而今也遽不信是有不善我之心雖使
時或思我彼將不盡矣遂稱疾以侯就第其後子孫生
郡郭者散居四方自號渾氏扈氏索氏石氏為四族云
文賦散句原殷箕子麥秀歌麥秀漸漸兮彼黍離離

漢枚乘七發麥秀蘄兮雉朝飛 增魏黃觀疏今年麥
苗雖好臨熟多雨而悉復偃壞小麥畧盡惟穡麥大麥
頗得半收耳 原晉潘岳射雉賦麥漸漸以擢芒

五言古詩增唐白居易觀刈麥田家少閒月五月人倍
忙夜來南風起小麥覆隴黃婦姑荷簞食童稚攜壺漿
相隨餉田去丁壯在南岡足蒸暑土氣背灼炎天光力
盡不知熱但惜夏日長復有貧婦人抱子在其傍右手
秉遺穗左臂懸弊筐聽其相顧言聞者為悲傷家田輸

稅盡拾此充飢腸今我何功德曾不事農桑吏祿三百石歲晏有餘糧念此私自愧盡日不能忘 宋蘇轍遲

往泉店殺麥罷民不耕穫豈利有攸往古人為我言許此亦無妄一冬免鋤犁二麥盈壘盎火老金尚伏雨過築塲壤隣家助伯亞蒼耳割榛莽朝陽得終日經歲可無恙老夫終病慵長子幸可仗勛勞慎勿厭麪餌家共享秋田雨初足已作豐熟想歸來報好音相對開臘醲
七言古詩增宋蘇軾鴉種麥行霜林老鴉閒無用畦東

拾麥畦西種畦西種得青猗猗畦東已作牛尾稀明年
麥熟芒攢槩農夫未食鴉先啄徐行俯仰若自矜鼓翅
跳踉上牛角憶昔舜耕厯山鳥為耘如今老鴉種麥更
辛勤農夫羅拜鴉飛起勸農使者來行水 五禽言去
年麥不熟挾彈規我肉今年麥上場處處有殘粟豐年
無象何處尋聽取林間快活吟 蘇轍遜往泉城穫麥
少年食稻不食粟老居潁川稻不足人言小麥勝西川
雪花水磨煮成玉冷淘槐葉冰上齒湯餅羊羹火入腹

五年隨俗麤得飽晨朝稻米纔供粥兒曹知我老且饒
觸熱泉城正三伏田家有信呼即來亭午驅牛汗如浴
吾兒生來讀書史不慣田家爭斗斛今年久旱麥粒細
及半罷休饒老宿歸來爛漫睨蒼耳來歲未知還爾熟
百口且留終歲儲貧交強半倉無穀外孫文九伏中
入村睨麥春田不雨憂無麥入困得半猶足食伏中一
睨不得緩旱田倉耳猶難得人言春旱夏當潦入伏未
保天日好老農經事言不虛防風防雨如防盜外孫讀

書舊有功五言七字傳祖風旋投詩筆到田舍知我老
來饒且慵秋田正急車難起汗滴肩頰愧鄰里磨聲細
轉雪花飛舉家百口磨牙齒食前方丈我所無蒸餅士
家或有諸孫歸何用慰勤苦烹雞亦有炰葫蘆 張舜
民打麥打麥打麥彭彭魄魄聲在山南應山北四月太
陽出東北纔離海嶠麥尚青轉到天心麥已熟鷓鴣催
人夜不眠竹雞呼雨雲如墨大婦腰鎌出小婦具筐逐
上隴先捋青下隴已成束田家以苦乃為樂敢憚頭枯

面焦黑貴人薦廟已嘗新酒醴雍容會所親曲終厭飫
勞僮僕豈信田家未入唇盡將精好輸公賦次把升斗
求市人麥秋正急又秧禾豐歲自少凶歲多田家辛苦
可奈何將此打麥詞兼作插禾歌 范成大刈麥行梅
花開時我種麥桃李花飛麥叢碧多病經旬不出門東
坡已作黃雲色腰鎌刈熟趁晴歸明朝雨來麥沾泥犁
田待雨插晚稻朝出移秧夜食麩 陸游屢雪二麥可
望喜而作歌苦寒勿怨天雨雪雪來遺我明年麥三月

翠浪舞東風四月黃雲暗南陌坐看比屋騰歡聲已覺
有司寬吏責腰鐮丁壯傾閭里拾穗兒童動千百玉塵
出磨飛屋梁銀絲入釜須寬湯寒醅發劑炊麴裂新麻
壓油寒具香大婦下機廢晨織小姑佐庖忘晚妝老翁
飽食笑捫腹林下擊壤歌時康 張孝祥大麥半枯自
浮沉小麥刺水鋪綠針山邊老農望麥熟出門見水放
聲哭去年泠泠七月雨秋苗不收一粒穀只今米價貴
如玉併日舉家纔食粥小兒索飯門前啼大兒雖瘦把

鋤犁晴時種麥畊荒壠正好下秧無稻種 戴復古刈

麥行腰鎌上壠刈黃雲東家西家麥滿門前村寡婦拾
滯穢饘粥有餘炊餅餌我聞淮南麥最多麥田今歲屯
干戈飽飯不知征戰苦生長此方真樂土 王炎麥苗

已有生意掘烏稂者未止兒童飯犢女採桑水滿東隄
耕事忙稻秧半綠麥半黃天許食新饘粥香田父咨嗟
仍笑語赤地一年今得雨紫葢有根妻子喜免填溝壑
棄閭里 元王禎麥歌田家食力不食智麪麥年年勤

種蒔老農八十諳地利暑夏呼兒先曠地再耕再耨土
華膩手把耒犁知己試土沃不妨投種秔今年已報春
澤被夏隴苗深如櫛比薰風長養見天意獵獵青旗催
穉穗纔結稗胞花雪墜赫赫曦輪熾鑕燧儘著精華輸
至味粒飽芒森密如簞頓失前時浪翻翠豈知真宰調
元氣化作黃雲表嘉瑞老農眼飽雖自慰旦夕却憂風
雨至子婦并忙事芟器鈔綽翩翩轉雙臂曳龍腰間盈
復棄急載牛箱夜無寐轉首登塲簇高積風翻日碾半

猶未已向公門奉新餽麴材和糴凡幾次年餉巡門仍
語許夏稅有程今反易自餘宿負如取寄指此有秋爭
蟻萃一得豈能償百費終歲勤勞一歔歔昨日公堂宴
賓貴樽俎橫陳混肴截檀板珠繩按歌吹萬錢不值供
一醉庖人搓揉出精粹尚喜食新誇餅餌物不天來皆
力致飽食何人知所自春祈夏薦禮所記報本從來追
古義但願斯民不畏吏吏不擾民民自遂凡在牧民導
此治坐見兩岐歌政異日富困倉均被賜不使老農憂

歲事 明高啟打麥詞
雉雛高飛夏風暖行割黃雲隨
手斷疎莖短若牛毛垂去冬無雪不相宜
塲頭負歸日
色白穗落連枷聲拍拍呼兒打曬當及晴
雨來怕有飛
蛾生卧驅鳥雀非愛惜明年好收供爾食

五言律詩增宋蘇轍殺麥二首
麥幸十分熟雨過三日
靈初晴尚未伏半夜卷重陰
細築塲無隙輕推磨有音
驚聞諸縣水一睨直千金
雨後麥多病庾中蛾欲飛
不辭終日暑幸脫半年飢
潦水來何暴秋田望已微農

夫愚可念此報定誰非
陸游種麥墾地播宿麥飯牛
臨野池未能貪佛日正恐失農時
矻矻鋤耰力勤勤祝
史辭嘉平得三白吾飽豈無期

七言律詩增宋朱子次韻秀野滄波館刈麥貽年夙昔
但聲歌今見郊園樂事多且喜甌簞符善禱未須蘆服
顰妖娥霞觴政自誇真一香鉢何須問畢羅我欲賣刀
來學稼不知還許受屨麼
原明申時行麥浪芄芄秀
色挺來牟片片黃雲似水流風作跳波時隱見雨添新

漲乍沉浮晴畦錦漾千層穀寒隴濤生四月秋却怪狂
瀾頻起陸漫教文偉賦中收 董其昌太廟薦麥闕宮
朝啟肅精禋御苑來牟及薦新九葉靈光開大厯雙岐
瑞穎獻昌辰風迴玉几馨先稷露裛金莖潔似蘋一自
寢園祈報後於皇清頌遍周民

七言絕句

御製見途中夏麥將熟志喜江潯淮壩道已周歸看東省麥
盈疇雨滋膏潤苗多秀早慶今年大有秋 清明麥秀清

明前後麥花香遍野
氤氲映驕驕須認秋成
春雨密隔溪村落飲斜陽

增宋王珪宮詞六龍觀稼奉宸遊
齊賀豐年薦麥秋後苑宴回卿相出
內官金合送來麴王安石陂麥陂麥

連雲慘淡黃綠陰門巷不多涼
更無一片桃花在借問春歸有底忙
范成大出東郊觀麥苗去歲秋霖麥下
遲臘殘一雪潤無泥相將飽喫滹沱飯
來聽林間快活啼刈麥麥頭熟顆已如珠
小阮惟憂積雨餘勻我一

晴天易耳十分終惠莫乘除 田園雜興高田二麥接
山青傍水低田綠未耕桃杏滿村春似錦踏歌椎鼓過
清明 楊萬里江山道中麥熟黃雲割露幾肩歸紫玉
炊香一飯肥却破麥田秧晚稻未教水拈卧斜暉麥
無邊綠錦織雲機全幅青羅作地衣個是農家真富貴
雪花消盡麥苗肥 方岳農謠春雨初晴水拍堤村南
村北鵲鳩啼含風宿麥青相接刺水柔秧綠未齊小
麥青青大麥黃護田沙逕遶羊腸秧畦岸岸水初飽塵

甌家家飯已香

原譚知榮麥隴風來翠浪浮霏微小

雨似深秋野庭終日捲簾坐青樾對啼黃栗留

詩散句原唐杜甫崆峒小麥熟

增杜甫白屋花開裏

孤城麥秀邊

山田麥無隴春氣晚更生

韓愈南陽

郭門外桑下麥青青

白居易四月未全熟麥涼江風

秋元稹年年四五月蠶實麥小秋

原司空圖綠樹

連村暗黃花入麥稀

宋蘇軾登城望年麥綠浪風掀

舞增陸游但見古河東隴麥如鋪雪

金麻九時野

黃麥初割畦綠蔬纔灌 王元粹青青道邊麥知是誰

家田 宋石介使麥長熟人不饑敢告吾君不須赦

王安石無端隴上脩脩麥橫起風寒占作秋 范純仁

潤催隴麥將黃節寒阻春蠶趁蚤眠 唐庚睡外莫聽

泥活活想中已睹麥含含 陸游京塵日念家山樂況

值腰鎌割麥初 雨畏禾頭蒸耳出潤憂麥粒化蛾飛

已過西成賽廟期家家下麥不容遲 壓車麥穗黃

雲卷食葉蟬聲白雨來 山村處處晴收麥鄰曲家家

午曬絲 楊萬里紅紅白白花臨水碧碧黃黃麥際天

危禎麥風翻隴潑濃綠花露滴枝黏老紅 吳潛吳

波亭下繫扁舟輕雨輕寒又麥秋 盧贊元麥秋天氣

朝朝變蠶月人家處處忙 宋謝朓麥候始清和 齊

王僧達麥隴多秀色 邢邵風輕麥候初 周庾信麥

隨風裏熟 陳江總麥氣涼昏曉 唐盧從愿蘅臯起

麥涼 張謂秋風麥穗黃 蕭穎士麥秋田野喧 王

維雉雒麥苗秀 杜甫微麥早向熟 原杜甫細麥落

輕花 青熒陵陂麥 涼州白麥枯 增韓愈暖風抽

宿麥 孟郊麥風清冷吹 李賀麥雨漲溪田 張翥

甸麥深藏雉 宋王安石麥漲一溪雲 蘇軾夏旱臞

麥人 唐庚雀飛田有麥 汪藻麥隴如人深 范成

大麥裏綠叢高 戴復古梯山畦麥秀 黃公度晴添

麥隴黃 金吳激風雨麥秋寒 元方夔山田麥苗肥

袁桷土沃村村麥 原唐李白荊州麥熟繭成蛾

麥隴青青三月時 增儲光羲麥涼浮隴雉媒低 柳

宗元麥芒際天搖青波

李賀野家麥畦上新隴 朱

慶餘麥風吹雨正徘徊

薛逢晚麥芒乾風似秋 薛

能鄰驚麥野聞雛雉

杜荀鶴高下麥田新雨後 分

開野色收新麥

宋石介麥宜過社猶催種 原歐陽

修四月田家麥穗稠

王安石晴日暖風生麥氣 增

蘇軾麥熟旋供湯餅新

王阮麗日借黃催麥隴 范

成大麥雨一犁隨處綠

青黃麥隴平平去 陸游水

面秧青麥半黃

雪花漫漫麥將熟

土膏動後麥苗

長 戴復古 鍛磨鳴時大麥黃 黃公度 乍寒乍煖麥

秋天 金王涯 穀雨連朝沒麥場 宇文虛中 彌壠連

天麥浪寒 麻九疇 筍興歸路麥花香 元好問 一犁

春雨麥青青 灝灝蒼波麥已勻 元方 回夏前十日

嘗新麥 耶律楚材 萬頃青青麥浪平 馬祖常 滋麥

春膏覆壠齊 謝應芳 天假春晴養麥苗

別錄 增尚書大傳 秋昏虛星中可以種麥 原種麥農

政全書 八月白露節後逢上戌為上時中戌為中時下

戌為下時種須簡成實者棉子油拌過則無蟲而耐旱
大約杏多則不蛀宜肥地有雨佳諺云無雨莫種麥又
云麥怕胎裏旱又云要喫麩泥裏纏春雨更宜諺云麥
收三月雨春間鋤一遍收子多若三春有雨入夏時有
微風此大有之年也諺云麥秀風搖初種忌戌日諺云
無灰不種麥雨經社日佳以灰糞拌種妙 增雜陰陽
書大麥生於杏二百日秀秀後五十日成麥生於亥壯
於卯長於辰老於巳死於午惡於戌忌於子丑小麥生

於桃二百一十日秀秀後六十日成忌與大麥同蟲食
杏者麥貴 齊民要術崔寔曰凡種大小麥得白露節
可種薄田秋分種中田後十日種美田惟穡早晚無常
正月可種春麥脾豆盡二月止 汜勝之書曰凡田有
六道麥為首種種麥得時無不善夏至後七十日可種
宿麥早種則蟲而有節晚種則穗小而少實當種麥若
天旱無雨澤則薄漬麥種以酢漿并蠶矢夜半漬向晨
速投之令與白露俱下酢漿令麥耐旱蠶矢令麥忍寒

麥生黃色傷於太稠稠者鋤而稀之秋鋤以棘柴耬之
以壅麥根故諺云子欲富黃金覆黃金覆者謂秋鋤麥
曳柴壅麥根也至春凍解棘柴曳之突絕其乾葉須麥
生復鋤之到榆莢時注雨止候土白背復鋤如此則收
必倍冬雨雪止以物輒藺麥上掩其雪勿令從風飛去
後雪復如此則麥耐旱多實春凍解耕如土種旋麥麥
生根茂盛莽鋤如宿麥區麥種區大小如中農夫區
禾收區種凡種一畝用子二升覆土厚二寸以足踐之

令種土相親麥生根成鋤區間秋草緣以棘柴律土壅
麥根秋旱則以桑落澆之秋雨澤適勿澆之麥凍解
棘柴律之突絕去其枯葉區間草生鋤之大男大女治
十畝至五月收區一畝得百石以上十畝得千石以上
大小麥皆須五月六月曠地不曠地而種者其收倍
薄種大小麥先畱逐犁種者佳其山田及剛強之
地則耬下之凡耬種者匪直土淺易生於鋒鋤亦便穡
麥非良地則不須種 八月中戊社前種者為上時

榔者

畝用子
二升半

下戊前為中時

用子
三升

八月末九月初為下時

用子

三四升

八月上戊社前為上時

擲者用子
一升半

中戊前為中時

用子
二升

下戊前為下時

用子
二升半

正月二月勞而鋤之三月

四月鋒而更鋤

小麥宜下種歌曰高田種小麥稂糝

不成穗

吳下田家志種麥宜庚午辛未辛巳辛卯庚

子庚戌

種樹書小麥不過冬大麥不過年 麥最宜

雪諺云冬無雪麥不結

種麥之法土欲細溝欲深耜

欲輕撒欲勻曬麥之法宜烈日之中乘熱而收仍用蒼

耳葉或麻葉碎雜其中則免化蛾 臘日種麥及豆來

年必熟麥苗盛時須使人縱牧於其間令稍實則其收
倍多麥屬陽故宜乾原稻屬陰故宜水澤 士農必用

相傳農語云彭祖壽年八百不可忘了植蠶植麥又云
社後種麥爭回耬又云社前種麥爭回牛言奪時之急
如此之甚也 原種塌麥法天生意六月初旬五更時

乘露未乾陽氣在下耕地牛得其涼耕過稀種菜豆候
七月間豆有花犁翻豆秧入地麥苗易茂 護麥農桑

撮要防露傷麥但有沙霧將糝麻散拴長繩上侵晨令
兩人對持其繩於麥上牽拽抹去沙霧則不傷麥刈
麥農政全書凡農家所種宿麥早熟最宜早收故韓氏
直說云五六月麥熟帶青收一半合熟收一半若候齊
熟恐被暴風急雨所摧必至拋費每日至晚即便載麥
上場堆積用苫密覆以防雨作如搬載不及即於地內
苫積天晴乘夜載上場即攤一二車薄則易乾碾後一
遍翻過又碾一遍起稻下場揚子收起雖未淨直待所

收麥都碾盡然後將未淨穉稗再碾如此可一日一場
比至麥收盡已碾訖三之一矣大抵農家之忙無似蠶
麥古語云收麥如救火 增齊民要術麥倒刈薄布順
風放火火既著即以掃帚撲滅仍打之如此者夏蟲不
生 原貯麥太平御覽麥之為蝶繇濕也萬物之變皆
有化也止麥之化區之以灰法於伏天曬極乾乘熱覆
以石灰則不生蟲又以蠶沙和之辟蠹蒼耳或艾曝乾
剉碎同收亦不蛀若稍濕必生蟲 增齊民要術立秋

前治訖蒿艾簞盛之良以蒿艾閉窖埋之亦佳窖麥法
必須日曝令乾及熟埋之多種久居供食者宜作劓
清異錄積麥以十辛良下子不得過三辛收潑不得過
三辛上場入倉亦用辛日 農家諺雲行北好曬麥
瑞麥

原說文天降瑞麥一來二變

彙考原後漢書張堪傳堪拜漁陽太守百姓歌曰桑無
附枝麥秀兩岐張公為政樂不可支 增舊唐書玄宗

本紀天寶三載三月武威郡上言番禾縣天寶山有醴泉湧出嶺石化為瑞麴遠近貧乏者取以給食改番禾為天寶縣 宋書符瑞志晉武帝太康十年六月嘉麥生扶風郡一莖九穗是歲收三倍 北齊書孟業傳業遷東郡守以寬惠著其年麥一莖五穗其餘三穗四穗共一莖合郡人以為政化所感 宋史樂志端拱初諸州麥兩穗三穗者連歲來上有司請以為瑞麥之曲薦於朝會用之 五行志皇祐三年五月彭山縣上瑞麥

圖凡一莖五穗者數本帝曰朕嘗禁四方獻瑞今得西
川秀麥圖可謂真瑞矣其賜田夫束帛以勸之 遼史
聖宗本紀統和二十年十二月南京平州麥秀兩歧

金史五行志宣宗興定元年四月陳州商水縣進瑞麥
一莖四穗開封府進瑞麥一莖三穗二莖四穗 原前
涼錄永嘉三年嘉麥一莖九穗生於姑臧 增孔帖梁
宋州節度使友諒進瑞麥一莖三穗太祖怒曰宋州大
水何用此為 原西安志宣德中嘉麥生茂陵一莖九

穗 新城志天啟四年嘉麥生王氏田中一莖五穗

集藻表增唐崔融為皇太子賀嘉麥表伏見雍州司馬

徐慶稱所部有嘉麥一莖六穗纖芒濯露疑因黑壤之

宜香稼搖風若吐黃金之色豈非靈心昭應睿德感通

降之自天何必來年之詠嘗之於廟先符孟夏之時凡

在含生相趨動色臣謬當居守肅奉宗祧一穗兩岐徒

說張君之詠十畝千石方輕汜氏之書仰天意而增歡

顧人心而載躍無任嘉忭之至

狀增宋秦觀代蔡州進麥瑞圖狀勘會本州自春已來
屢得雨澤已於某月日具狀奏聞訖今來二麥並已成
熟地無高下所收斗斛數倍當年及諸縣節次申送致
麥苗有一莖二穗或三穗其多有至五穗者甚多父老
等皆云數十年無此豐熟亦未嘗見有麥苗一莖至數
穗者以此見臨御以來功化日新利興害去善氣充塞
致此嘉應臣待罪郡守目睹其事不敢隱默謹畫成圖
子一本隨狀上進以聞

頌增明李東陽瑞麥頌并序瑞麥頌豐年也和氣旁達
嘉麥效祥頌聲作焉以麥上德昭農事也維田有麥載
被其隴既堅既實岐岐總總我塲我隴其積如踊皇德
斯播於植於動維此瑞麥曰帝之寵維麥在田載耕
載耨胝我手足勗我耜鉞以夕以朝中心孔惓載拊而
謳於歲之秋日茲豐年維我民勞天監帝德亦念民
阻噓以和風渥以甘雨貽我嘉麥及我穀黍維年之祥
祈不我拒以徧率土於天之下於天之下永荷皇嘏

賦增唐任琰瑞麥賦建極惟皇昭鑠於光出豫考卜乘
時省方西自鄴鎬東巡洛陽順天遊而有慶緬日晷之
云長徵賢宣室布政明堂風雨時序黎庶其康盡物稱
瑞窮靈委祥明含日月則階蓂恒秀澤及草木而隴麥
登芳於是闢離宮通禁苑覩茲瑞之所應實皇恩之燭
遠朝任得人時唯賢相九流分職三旗協亮稱堯舜之
允敷同益贊而為唱曰珍瑞麥生我皇國凌寒而秀彰
聖之德願載東觀之書以歌南薰之則既而帝曰欽哉

天符聿來俾予光於四表惟爾翼於中台念幽芳之遂
性知棧樸之當材且夫麥之為瑞其德至矣居寒自生
當暑薦美含實珠淨耀芒鋒起既標詠於詩人亦稱奇
於縑史當其芄芄於野漸漸其秀將嗣穀以登年豈凌
霜而不茂在昔唐叔嘉禾伊育昭彼周王天人斯穆今
惟聖帝此焉攸淑涵之如春也及晝而繁榮就之如日
也來牟而紛郁則有小儒怡然鼓腹照水鏡之光鑒叅
厯選之題目未登高而賦成庶陳美於金竹者也 高

敷庭瑞麥賦聖人順動文思欽明天地貞觀品物咸亨
去憑虛而就安處面周洛而背咸京雲旗電發霜戟林
行太陰用事其日在斗萬國來庭百神奔走泉潛動而
芡落水益壯而冰厚冠異氣於繚垣吐嘉蕤於寒數不
忌風雪全抽兩穗逼日月之光華得雲雨之攸利芒纖
纖而擢隴葉青青而聳翠同泰谷之移暄類榆林之因
地瑞紀增煥嘉禾異植出天苑之稱奇訪人寰而未識
凌玉霜而表勁挺金莖而孤植顧耀穎於年和望生成

於地力俾彼藩翰其代天工即漢庭之相國類晉室之
清通拜殊祥而北首列圖史於南宮紆粹容於有穆冠
鴻業而無窮實穎實粟是崇是奉可以為瑚璉之資可
以為種稂之種偉長至之馭序同少陽之在候成粒貴
於鳥銜覆苗期於雉離夫瑞也百王之珍事其生也二
儀之大德道泰則稱物呈形政乖則羣方皆惑伊小草
之何幸逢大人之允塞願均照於離明祈作禎於王國
樂章增宋史朝會樂章芄芃嘉麥擢秀分歧甘露夕灑

惠風晨吹良農告瑞循吏稱奇歸美英主折而貢之

七言律詩增范成大次韻袁起巖瑞麥此麥兩岐已黃
熟其間又出一青枝亦已秀實傳記所未載也民和神
福固其宜況有仁先四者施吳稻即看收再熟周年先
已秀雙岐薰風半老黃金穗梅雨重春綠玉枝樂不可
支聊發詠田間日日是芳時

五言排律原唐鄭畋詠麥穗兩岐聖慮憂千畝嘉苗薦
兩岐如雲方表盛成穗忽標奇瑞露縱橫滴祥風左右

吹謳謠連上苑化日遍平陂史冊書堪重丹青畫更宜
願依連理樹俱作萬年枝 張聿詠瑞麥瑞麥生堯日
芄芃雨露偏兩岐分更合異畝穎仍連冀獲明王慶寧
惟太守賢仁風吹靡靡甘雨長芊芊聖德應多稔皇家
配有年已聞天下泰誰為濟西田

詩散句增宋夏竦似法陰文呈六穗或符陽數效三岐
唐李嶠瑞麥兩岐秀 白居易岐秀麥分花

雀麥

增爾雅蕎麥註即燕麥也 本草雀麥一名杜姥草

一名牛星草

李時珍曰此野麥也燕雀所食故名曰華本草謂此為瞿麥非矣

蘇恭曰

在處有之生故墟野林下苗葉似小麥而弱其實似穉麥而細周憲王曰燕麥穗極細每穗又分小叉十數個子亦細小

彙考增唐書劉禹錫傳禹錫由和州刺史入為主客郎中復作遊玄都觀詩且言始謫十年還京師道士植桃其盛若霞又十四年過之無復一存唯兔葵燕麥動搖

春風耳以詆權近 博物志食鷺麥令人骨節斷解
丹鉛錄范文正公安撫江淮進民間所食烏昧草乞宣
示六宮傳諸戚里以抑奢侈烏昧草即今之野燕麥淮
南謂麥曰昧故史從音為文 燕麥滇南霑益一路有
之土人以為朝夕常食非虛名也

蕎麥

原蕎麥一名收麥一名烏麥一名花蕎

莖弱而翹然易長易收磨麵如

麥故曰蕎曰收而與麥同名也俗亦呼甜蕎以別苦蕎

南北皆有之立秋前後下

種密種則實多稀則少八九月熟性最畏霜宜早種遲則少收苗高一二尺莖空而赤葉綠如烏白樹葉開小白花甚繁密花落結實三稜嫩青老則烏黑性甘寒無毒降氣寬中氣盛有濕熱者宜之若脾胃虛弱者不宜多食難消煮熟日中曝開口舂取米可作飯磨為麪滑膩亞於麥麪北人作煎餅及餅餌日用以供常食農人以為禦冬之具南人但作粉餌食和猪羊肉熟食不過十餘頓即患熱風忌同黃魚食

彙考增宋史禮志仁宗景祐三年禮官宗正請每歲秋
季月嘗豆嘗蕎麥後山談叢穎諺曰黃鵲口噤蕎麥
斗夏中候黃鵲不鳴則蕎麥可廣種也水南翰記蕎
麥字韻書無之道藏有藥石爾雅唐元和間梅彪所集
諸藥隱名以粟黍蕎麥豆為五弟高昌行紀高昌地
產五穀惟無蕎麥

集藻七言古詩增宋陸游蕎麥熟刈者滿野喜而有作
城南城北如鋪雪原頭家家種蕎麥霜晴收斂少在家

餅餌今冬不憂窄胡麻壓油油更香油新餅美爭先嘗

獵歸熾火燎雉兔相呼置酒喜欲狂陌上行歌忘惡歲

小婦紅妝穗簪髻詔書寬大與天通逐熟淮南幾誤計

詩散句增唐溫庭筠日暮鳥飛散滿山蕎麥花 宋戴

敏頗動詩人興滿園蕎麥花 唐白居易獨出門前望

野田月明蕎麥花如雪 宋范成大落日青山都好在

山間蕎麥滿芳洲 陸游麪熟山僧分餽飢船來溪友

餉薪樗 唐白居易蕎麥鋪花白 宋韓琦雲鋪蕎麥

花漫野 陸游滿村蕎麥正離離 暖日暉暉秀蕎麥

未收蕎麥怯新霜 金王良臣蕎麥冉冉蜜脾香

元貢奎路轉滿川蕎麥花

別錄增齊民要術凡蕎麥五月耕經三十五日草爛得
轉并種耕三遍立秋前後皆十日內種之耕地三遍即
三重著子下兩重子黑上一重子白皆是白汁滿飽如
濃即須收刈之但對稍搭鋪之其白者日漸盡變為黑
如待上頭總黑半已下黑子盡落矣

附錄 苦蕎麥

原苦蕎麥出南方春社前後種之莖青多枝葉似蕎麥而尖花帶綠色實亦似蕎麥而稜角不峭味苦磨為粉蒸使氣餒滴去黃汁乃可為糕餌色如猪肝穀之下品

瞿麥

增爾雅大菊蘧麥註一名麥句薑即瞿麥 廣雅此姜麥句薑蘧麥 本草瞿麥一名巨句麥一名大蘭一名地麴陶弘景云今出近道一莖生細葉花紅紫赤可愛

子頗似麥故名瞿麥

別錄增齊民要術種瞿麥法以伏為時

一名地麴良地一畝用子五升

薄田三四升

畝收十石渾蒸曝乾春去皮米全不碎炊作餐

甚滑細磨下絹篩作餅亦滑美然為性多穢一種此物數年不絕耘鋤之功更益劬勞

御定佩文齋廣羣芳譜卷七

欽定四庫全書薈要卷一萬五百七十一

子部

御定佩文齋廣羣芳譜卷八

穀譜

稻

原稻一名稌有稂

與稂同

有糯

與稂同爾雅云稌今沛國呼稌疏云稌註云

云沛國謂稻為糯稌稻屬也字林云糯黏稻也稌稻不黏者本草以稂米稻米為二物稌古稂字然稂糯甚相

類黏不黏為異耳本草云黏者為糯不黏者為稂糯者

糯也硬者硬也又云稻稌者稌糯之通稱本草則專指

黏軟故謂之糯其性

堪作飯作粥南方以為常食北方以

為佳品禮記祭宗廟之禮謂稻為嘉蔬周禮地官有稻
人漢有稻田使者蓋通粳糯而言也粳之熟也晚謂之
晚稻粳之小者謂之私私熟早謂之早稻有早中晚三
熟水旱二類南方土下泥塗多宜水稻北方地平惟澤
土宜旱稻種類甚多 增本草孟詵曰淮泗之間最多
襄洛土粳米亦堅實而香南方多收火稻李時珍曰西
南夷有燒山地為畬田種旱稻者謂之火米真臘有水
稻高丈許隨水而長 原其穀之紅白大小不同芒之

有無長短不同米之堅鬆赤白紫烏不同味之香否軟硬不同性之溫涼寒熱不同大要北粳涼南粳溫赤粳熱白粳涼晚白粳寒新粳熱陳粳涼葉與梗似小麥穗似大麥稈與實不相黏溫中益氣止煩渴和腸胃合芡

實作粥益精強志聰耳明目其類為香粳

一名香子粒小色斑以三

五十粒入他米數升炊之芬芳香美

小香粳

赤芒白粒其色如玉食之香美凡享奠延賓以為上品出

閩中雪裏棟

粒大色白稈軟而有芒

三穗子

一穗三百餘粒出湖州

箭子

粒細長而

白味甘香九月熟稻之上品

燕脂赤

香柔而甘春煮之作純赤色晚稻上品有一種性不畏鹵可當

鹹湖近海口之田不得不種

蓋下白

正月種五月刈其莖根復生九月再熟

稻又謂麥爭場

三月種六月熟此種早熟農人甚賴其利食新者爭市之價倍貴

青芋

稻六月熟累子稻白漠稻七月熟此三種出益州大而長米半寸亦嘉種也

木香杭粒小而性柔七

月熟有紅芒白芒之等

虎掌稻赤穰稻蟬鳴稻

俱七月熟早白稻小白

一名細白粒赤而稃芒白五月初種八月熟中秋稻粒九月熟者謂之晚白一名蘆花白一名大白

而大四月種八月熟八月望熟一丈紅五月種八月收者謂之早中秋又謂之閃西風

四尺漫撒之勝紅蓮粒長擺柳稻莖硬皮紫芒稻粒白能抽芽出水

紅蓮粒大芒三朝齊一名下馬矮白又名師姑粒白無紅皮赤看秀最易

九月熟
撫稻春種夏穫七月再插十月熟
金城種粒尖色紅而性硬四月

種松江謂之烏口稻一名冷水結再蔣而晚熟色赤米下品也
他如

黃稻黃陸稻豫章青赤芒白青甲等稻未可枚舉 增

本草私稻一名占稻種出占城國故名似粳而粒小各處有之

品類亦多有赤白二色與粳大同小異 理生玉鏡自

占城來作飯差硬宋氏使占城珍寶易之以給於民者

六旬稻一名拖犁歸粒小色白四月種六月熟又有八

百日私之品百日赤百日私俱白稱烏私粒大而芒長而無芒七八月熟其味白淡而紅甘

織履飯之香美浙中以供賓客及老疾孕婦三月種七月收其田以蒔晚稻可再熟

廣志粳有

烏粳黑穰青幽白夏之名 齊民要術案今世有尾紫

稻青杖稻飛青稻赤甲稻烏陵稻白地稻孤灰稻 原

糯稻一名秣稻苗葉莖穗與粳稻同 增本草宋馬志

曰秣糯米即糯米也其粒大小似秬米宋寇宗奭曰今

造酒糯米也其性溫故可為酒明李時珍曰南方水田

多種之其性黏穀殼有紅白二色或有毛或無毛米亦

有赤白二色 原米可炒食可釀酒可熬餬可作藥可

煮糕可蒸糕水稻赤色者酒多糟少一種粒白如霜長

三四分性黏滯難化多食令人身軟擁諸經絡氣發難

疽瘡癰中痛合酒食醉難醒小兒及病人最忌孕婦雜

肉食之令子不利小猫犬食之脚屈不能行馬食之足

重其類為蘆黃糯一名泥 變言不待日曬也粒大色白芒長身最早其色易變釀酒最佳

金釵糯粒長而釀 烏香糯 氣香 烏私糯 一名趕陳糯 一名

稈有芒四月 小娘糯 不耐風水 四月 青稈糯 稈黃芒赤已

種七月熟最宜良田 四月 矮糯 一名矮兒糯 尖大而 硃砂糯 一名臘

月種九月熟色白 四月 種九月熟 脂糯 芒

長而穀多白斑五月種九月熟

羊脂糯

色白性軟五月種十月熟

虎皮糯

白斑五月種十月熟

鐵梗糯

稈挺而堅

馬駝糯

芒如馬駝色赤

秋風糯

一名臘官糯一名冷粒糯粒圓白而

稈黃大暑可刈易種多收農人喜種之飯則糯釀則粳糲則減價多以代粳輸租

增齊民要

術秫稻有九格秫雉木秫大黃秫常秫馬身秫長江秫惠成秫黃滿秫方滿秫虎皮秫薈奈秫

彙考原詩豳風十月穫稻 增周頌豐年多黍多稌傳

稌稻也 禮記王制冬薦稻 月令季秋之月天子乃

以犬嘗稻先薦寢廟 周禮地官稻人掌稼下地以渚

畜水以防止水以溝蕩水以遂均水以列舍水以澮瀉
水以涉揚其芟作田凡稼澤夏以水殄草而芟夷之澤
草所生種之芒種早暵共其雩斂註澤草之所生其地
可種芒種芒種稻麥也稻人共雩斂稻急水者也疏以
下田種稻麥故曰稼下地但水鍾曰澤有水及鹹鹵皆
不生草即不得芒種故曰草所生餘官不言共雩斂于
此官特言共者以稻是水穀急須水故旱時特使共雩
之發斂也 夏官東南曰揚州其穀宜稻 正南曰荆

州其穀宜稻

左傳邠人藉稻註其君自出藉稻蓋履

行之疏服虔云藉耕種於藉田也

戰國策東周欲為

稻西周不下水東周患之蘇子謂東周君曰臣請使西

周下水可乎乃往見西周之君曰君之謀過矣今不下

水所以富東周也今其民皆種麥無他種矣君若欲害

之不若一為下水以病其所種下水東周必復種稻種

稻而復奪之若是則東周之民可令一仰西周而受命

於君矣西周君曰善 史記夏本紀令益與衆庶稻可

種卑濕 後漢書郡國志廣陵郡有長洲澤吳王渚太
倉在此注縣多麋博物記曰千百為羣掘食草根其處
成泥名曰麋畷民人隨此畷種稻不耕而獲其收百倍
張堪傳堪拜漁陽太守開稻田八千餘頃勸民耕種
以致殷富 魏志夏侯惇傳惇復領陳留濟陰太守時
大旱蝗蟲起惇乃斷太壽水作陂身自負土率將士勸
種稻民賴其利 吳志鍾離牧傳牧少居永興躬自墾
田種稻二十餘畝臨熟縣民有識認之牧曰本以田荒

故墾之爾遂以稻與縣人縣長聞之召民繫獄欲繩以
法牧為之請長曰君慕承宮自行義事僕為民主當以
法率下何得寢公憲而從君耶牧曰此是郡界緣君意
顧故來暫住今以少稻而殺此民何心復留遂出裝還
山陰長自往止之為釋繫民民慙懼率妻子舂取稻得
六十斛米送還牧牧閉門不受民輸置道旁莫有取者
牧由此發名 晉書陶侃傳侃嘗出遊見人持一把耒
熟稻侃問用此何為人云行道所見聊取之爾侃大怒

曰汝既不佃而戲賊人稻執而鞭之是以百姓勤於農
殖家給人足 原晉書孝友傳孫晷吳國富春人年饑
穀貴人有生刈其稻者晷見而避之須去而出既而自
刈送與之 隱逸傳郭翻居貧無業欲墾荒田先立表
題經年無主然後乃作稻將熟有認之者悉推與之縣
令聞而詰之以稻還翻翻遂不受 增晉書藝術傳韋
靈者豫章建昌人父母常使守稻羣牛食之靈見而不
驅待牛去乃往理其殘亂者其父母見而怒之靈曰夫

萬物生天地之間各欲得食牛方食奈何驅之父愈怒
曰即如汝言復用理壞者何為靈曰此稻又欲得終其
性 南齊書孔琇之傳琇之補吳令有小兒年十歲偷
刈隣家稻一束琇之付獄治罪或諫之琇之曰十歲便
能為盜長大何所不為縣中皆震肅 南史范雲傳文
惠太子嘗幸東田觀穫稻雲時從文惠顧雲曰此刈甚
快雲曰三時之務亦甚勤勞願殿下知稼穡之艱難無
徇一朝之宴逸也 陳伯之傳伯之年十三四好著獺

皮冠帶刺刀候隣里稻熟輒偷刈之常為田主所見呵

之曰楚子莫動伯之曰君稻幸多取一擔何苦田主收

執之因拔刀而進曰楚子定何如田主皆反走徐擔稻

而歸 原南史隱逸傳晉陶潛為彭澤令公田悉令種

秫稻妻子固請種粳乃使二百五十畝種秫五十畝種

粳 顧歡家貧父使田中驅雀歡作黃雀賦而歸雀食

稻過半父怒欲撻之見賦乃止 增新唐書郭元振傳

元振為涼州都督遣甘州刺史李漢通闢屯田盡水陸

之利稻收豐衍 于頔傳頔為湖州刺史部有湖陂異時溉田三千頃久廢頔行縣命修復隄闕歲獲杭稻

蒲魚無慮萬計 李百藥傳百藥七歲能屬文父友陸

乂等共讀徐陵文有刈琅邪之稻之語歎不得其事百藥進曰春秋邠子藉稻杜預謂在琅邪客大驚號奇童

南蠻傳環王稻歲再熟 牂柯無城郭土熟多霖雨

稻粟再熟 墮婆登在環王南種稻月一熟 宋史仁

宗本紀慶厯四年五月幸玉津園觀種稻 禮志紹興

七年七月張浚等言雨澤稍愆乞禱上曰朕患不知四方水旱之實宮中種稻兩區其一下其一地高高者其苗有槁意矣須精加祈禱以救旱暵景德四年十月二十九日詔皇太子宗室近臣諸帥赴玉宸殿翠芳亭觀稻賜宴仍以稻分賜之食貨志言者謂江北之民雜植諸穀江南專種秔稻雖土風各有所宜至於參植以防水旱亦古之制於是詔江南兩浙荆湖嶺南福建諸州長吏勸民益種諸穀江北諸州亦令就水廣種

杭稻並免其租 江南兩浙荆湖嶺南福建土多杭稻

須霜降成實自十月一日始收租 大中祥符四年帝

以江淮兩浙稍旱即水田不登遣使就福建取占城稻

三萬斛分給三路為種擇民田高仰者蒔之蓋旱稻也

內出種法命轉運使揭榜示民後又種於玉宸殿帝與

近臣同觀畢刈又遣內使持於朝堂示百官稻比中國

者穗長而無芒粒差小不擇地而生 山海經箕尾之

山其神狀皆鳥身而龍首其祀之禮糈用秬米註秬秬

稻也 廣漠之都后稷葬焉爰有膏稻註言味好滑如

膏 淮南子江水肥仁而宜稻 稻生於水而不能生

於湍瀨之流 伏虔古今注惠帝三年桂宮陽翟俱雨

稻米 春秋說題辭稻之為言藉也稻冬含水盛其德

也故稻太陰精含水漸洳乃能化也江旁多稻固其宜

也 原孝經援神契汙田宜稻 蔡邕月令十月穫稻

人君嘗其先熟故在季秋九月熟者謂之半夏稻 增

括地志自崑崙山以南多是平地而下濕土肥良多種

稻歲四熟留役馳馬米粒亦極大 會稽典錄夏香有

盜刈稻者香助收之盜慙送以還香香不受 博物志

下泉宜稻 華陽國志江州縣北有稻田出御米 風

土記稊稻之青穠米皆青白也 原抱朴子南海晉安

有九熟之稻 增拾遺記樂浪之東有背明之國在扶

桑之東見日出於西方其國昏昏常暗宜種百穀名曰

融澤方三千里五穀皆良食之後天而老有浹日之稻

種之十旬而熟有翻形稻言食者沒而更生天而有壽

有明清稻食者延年也清腸稻食一粒歷年不饑 原

異物志交趾稻夏熟農者一歲再種 安成記安成郡

毛亭田疇膏腴厥稻馨香飯若凝脂 淵明別傳淵明

嘗聞田水聲倚杖久聽歎曰秣稻已秀翠色染人時剖

胸襟一洗荆棘此水過吾師丈人矣 增世說簡文見

田稻不識問是何草左右荅是稻簡文還三日不出云

寧有賴其末而不識其本 水經注九真太守任延始

教耕犁俗化交土風行象林知耕以來六百餘年火耕

水耨法與華同名白田種白穀七月大作十月登熟名赤田種赤穀十二月作四月登熟所謂兩熟之稻也

述異記大禹時天雨稻古詩云安得天雨稻飼我天下民 廣雅稻穗謂之禾稻已割而復抽曰稻孫 原西

域記天竺國土溽熱稻歲四熟 摩揭陀有異稻巨粒

號供大人米 增唐歷開元十九年揚州奏魯生稻二

百一十五頃再熟稻一千八百頃其粒與常稻無異

酉陽雜俎鄧都稻名重思其米如石榴子粒稍大味如

菱杜瓊作重思賦曰霏霏春暮翠矣重思雲氣交被嘉穀應時 原僞越外紀稻一年再熟今浙江温州稻一歲兩種廣東又有三種田地氣暖故也 續仙傳唐謝

玄卿遇神仙設龍睛稻 增東坡雜記黎子雲言海南

秣稻率三五歲一變頃歲儋人最重鐵脚糯今歲乃變為馬眼糯草木性理有不可知者 中吳紀聞紅蓮早

稻自古有之陸魯望詩云遙為曉風吟白菊近炊早稻識紅蓮 三柳軒雜識五穀以稻為貴古人各以其類

配之如以殺雞配為黍謂野人之餐也以啜菽配飲水
謂貧者之孝也以蔬食對菜羹謂貶降之食也惟食稻
則對衣錦又祭祀以稻為嘉蔬公享大夫則以為吉饌
是五穀以稻為貴也 椒宮舊事成穆貴妃孫氏參政
孫英之妹嘗與上登香雲閣觀後苑刈稻上命宮人取
酒來為賞豐飲令妃誦詩侑酒妃為歌李紳憫農詩上
大悅賜予有加 戒菴漫筆稻花白而瓣少者米賤多
而色黃則貴俗云銀花賤金花貴也 奎瀛勝覽舊港

土沃人稠地宜稼穡諺云一季種田三季收稻言收穫
廣也 海槎餘錄黎俗四五月必集衆斫山木縱火燒
盡土下尺餘亦且熟透徐徐鋤轉種旱稻曰山禾米粒
大而香可食連收三四熟 湧幢小品暹羅國稻其粒
盈寸 燕山叢錄房山縣有石窩稻色白味香美以為
飯雖盛暑經數宿不餲 原一統志雷陽界稻十一月
下種揚雪耕耘次年四月熟與他地迥異 稻花午開
暮合開合皆於日中香甚有至七開七合者

集藻啓增梁庾肩吾荅湘東王賚粳米啓竊以農夫力

耕時逢儉歲疎賤時澤必取豐年桮斛瀉珠嘉聞陶量

翻庭委玉欣見馬圖 又出梁國之

闕一字

租兼水陸之殊

品伊尹說而不至石崇豪所未及遇處默之得賓同苻

朗之舉箸長河可塞上德難酬 又味重新城香踰滂

水連舟入浦似彥伯之南歸積地為山疑馬援之西至

不待候沙同新渝之再熟無勞拜石均遼倉之重滿前

恩未遠次渥仍流墨翟假以故書裴楷慙其國賜 謝

東宮賚粳米啓渥水鳴蟬香閣七里瓊山合穎租歸十
縣肩吾人慙振藻徒降人間之松職濫更繁空撤家丞
之俸成珠委地事重逢仙游王為糧珍踰入楚雖復激
水滄流不待監河之說春風掃地方誦文學之篇

書增魏文帝與朝臣論秔稻書江表惟長沙名有好米
何得比新城秔稻耶上風吹之五里聞香 宋蘇軾與
弟子由書或為予言草木之長常在昧明間早起伺之
乃見其拔起數寸竹筍尤甚夏秋之交稻方含秀黃昏

月出露珠起於其根累累然忽自騰上若推之者或綴於莖心或綴於葉端稻乃秀實驗之信然此二事與子由養生之說契故以此為寄

贊增晉湛方生庭前植稻苗贊菁菁嘉苗離階側弱葉繁蔚圓株疎植清流津根輕露濯色

文賦散句增漢張衡南都賦若其厨膳則有華薌重秬
渥臯香秬 鄭玄婚禮謁文秬稻馥芬婚禮之珍 袁
淮觀殊俗河內青稷新成白稷 晉左思吳都賦國稅

再熟之稻 宋蘇軾與李公擇書軾見在東坡作陂種
稻勞苦之中亦自有樂事

五言古詩

御製秋日出郊觀稼秋氣日寥迴萬象皆蒼蒼朝曦被渥
露草木含晶光西成方屆候農事將築塲於焉省斂獲
令典重百王輕軒屏前置夙駕無嚴裝郊原一以眺煙
樹紛成行微風散深樾清流抱迴塘土脈秀且沃篝車
鬱相望新鎌粲如月刈此溪雲黃捃拾復何幸遺秉滿

道旁鳥雀互翔集婦子咸悅康行將吹葦簫報爾千斯
箱眷言三時勤艱難詎可忘茫茫視九壤豈盡歌豐穰
二鬴苟不充予飢怒如傷幸茲樂有年時若雨與暘勗
哉慎所麗田功庶無荒

增晉陶潛庚戌歲九月中于西田穫稻人生歸有道衣
食固其端孰是都不營而以求自安閒春理常業歲功
聊可觀晨出肆微勤日入負耒還山中饒霜露風氣亦
先寒田家豈不苦弗獲辭此難四體誠乃疲庶無異患

千盥濯息簷下斗酒散襟顏
遙遙沮溺心千載乃相關

但願常如此躬耕非所歎
原唐杜甫行宮張望補稻

畦水歸東屯大江北百頃平
若按六月青稻多千畦碧

泉亂插秧適云已引溜加溉
灌更僕往方塘決渠當斷

岸公私各地著浸潤無天旱
主守問家臣分明見溪伴

芊芊炯翠羽剡剡生銀漢
鷗鳥鏡裏來關山雪邊看秋

菰成黑米精鑿傳白粲
玉粒足晨炊紅鮮任霞散終然

添旅食作苦期壯觀
遺穗及衆多我倉戒滋蔓
秋行

官張望督促東渚刈稻向畢清晨遣女奴阿稽監子阿
段往問東渚雨今足佇聞粳稻香上天無偏頗蒲稗各
自長人情見非類田家戒其荒功夫競楫楫除草置岸
傍穀者命之本客居安可忘青春具所務勤墾免亂常
吳牛力容易並驅動莫當豐苗亦已穰雲水照方塘有
生固蔓延靜一資隄防督領不無人提攜頗在綱荆揚
風土暖肅肅候微霜尚恐主守疎用心未甚臧清朝遣
婢僕寄語踰崇岡西成聚必散不獨陵我倉豈要仁里

譽感此時世忙北風吹蒹葭蟋蟀近中堂荏苒百工休
鬱紆遲暮傷

增宋李觀穫稻朝陽過山來下田猶露濕

餉婦念兒啼逢人不敢立青黃先後收折偃僂拾鳥
鼠盈官倉新租喜復入

陸游稻陂白水滿稻陂投種

未三宿新秧出水面已作纖纖綠年來殘俸絕所望在
一熟見之喜欲舞不復憂半菽想當西成時載重壓車
軸病齒幸已勞往矣分社肉

代鄉鄰作插秧歌浸種

二月初插秧四月中小舟載秧把往來疾于鴻吳鹽雪

花白村酒粥面濃長歌相贈答宛轉含幽風日暮飛檠
歸小市鼓鼙鼙起居問尊老勤儉教兒童何人采此語
為我告相公不必賜民租但願年屢豐 元趙孟頫題
耕圖正月田家重元日置酒會鄰里小大易新衣相戒
未明起老翁年已邁含笑弄孫子老嫗惠且慈白髮被
兩耳杯盤且羅列飲食致甘旨相呼團樂坐聊慰哀暮
齒田硯藉人力糞壤要鋤理新歲不敢閒農事自茲始
二月東風吹原野地凍亦已消早覺農事動荷鋤過

相招遲遲朝日上炊煙出林梢土膏脈既起良邦利若
刀高低徧翻壟宿草不待燒幼婦頗能家井臼常自操
散灰緣舊俗門逕環周遭所冀歲有成殷勤在今朝

三月良農知土性肥瘠有不同時至萬物生芽蘖由地
中秉耒向畎畝忽徧西與東舉家往于田勞瘁在爾農
春雨及時降被野何濛濛乘茲各布種庶望西成功培
根利秋實仰天望年豐但使陰陽和自然倉廩充 四
月孟夏土加潤苗生無近遠漫漫冒淺陂芄芃破長阪

嘉穀雖已殖惡草亦滋蔓君子與小人並處必為患朝
朝荷鋤往薅耨忘疲倦旦隨烏雀起歸與牛羊晚有婦
念將飢過午可無飯一飽不易得念此獨長歎 五月
仲夏苦雨乾二麥先後熟南風吹隴畝惠氣散清淑是
為農夫慶所望實其腹酤酒醉比隣語笑聲滿屋紛然
收穫罷高廩起相屬有周成王業后稷播百穀皇天貽
來牟長世自茲卜願言仍歲稔四海盡蒙福 六月當
晝耘水田農夫亦良苦赤日背欲裂白汗灑如雨匍匐

行水中泥淖及腰脅新苗抽利劍割膚何痛楚夫耘婦
當饑奔走及亭午無時暫休息不得避炎暑誰憐萬民
食粒粒非易取願陳知稼穡無逸傳自古 七月大火
既西流涼風日淒厲古人重稼穡力田在匪懈郊行省
農事禾黍何旆旆碾以他山石玉粒使人愛大祀須粢
盛一一稽古制是為五穀長異彼稊與稗炊之香且美
可用享上帝豈惟足食人一飽有所待 八月白露下
百草莖葉日紛委是時禾黍登充積徧都鄙在郊既千

庾入邑復萬軌人言田家樂此樂誰可比租賦以輸官
所餘足儲峙不然風雪至凍餒及妻子優游茅簷下庶
可以卒歲太平元有象治世乃如此 九月大家饒米
麪何啻百室盈縱復人力多舂磨常不停激水轉大輪
磴礪亦易成古人有機智用之可厚生朝出連百車莫
入還滿庭勾稽數多寡必假布算精小人好爭利晝夜
心營營君子貴知足知足萬慮輕 十月孟冬農事畢
穀粟既已藏彌望四野空葉枯亦在塲朝廷政方理庶

事和陰陽所以頻歲登不憂旱與蝗置酒燕鄉里尊老
列上行肴羞不厭多魚羔復烹羊縱飲窮日夕為樂殊
未央禱天祝聖人萬年長壽昌 十一月農家值豐年
樂事日熙熙黑黍可釀酒在牢羊豕肥東鄰有一女西
鄰有一兒兒年十五六女大亦可笄財禮不求備多少
取隨宜冬前與冬後昏嫁利此時但願子孫多門戶可
扶持女當力蠶桑男當力耘耔 十二月一日不力作
一日食不足慘淡歲云暮風雪入破屋老農氣力衰偃

僂腰背曲索絢民事急晝夜互相續飯牛欲牛肥莢
亦預蓄蹇驢雖劣弱挽車致百斛農家極勞苦歲豈恒
稔熟能知稼穡艱天下自蒙福 明高啓看刈禾農工
亦云勞此日始告成往獲安可後相催及秋晴父子俱
在田札札鑪有聲黃雲漸收盡曠望空郊平日入負擔
歸謳歌道中行鳥雀亦羣喜下啄飛且鳴今年幸稍豐
私廩各已盈如何有貧婦拾穗猶惇惇 京師嘗吳粳
新秔粲如玉遠漕來中吳初嘗愛精鑿想出官田租我

本東臯民少年習耕鋤霜天萬穗熟恣啄從飢鳥日暮
刈穫歸妻孥共歡呼茅屋夜舂急風雨江村孤晨炊滿
家香薦以出網鱸如今幸蒙恩遨遊在南都門前半區
田別來想已蕪長年盜寸廩補報一事無投匕忽歎息
飽食慙農夫

七言古詩增唐張籍江村行南塘水深蘆筍齊下田種
稻不作畦耕塲磷磷在水底短衣半染蘆中泥田頭刈
莎結為屋歸來繫牛還獨宿水淹手足盡為瘡山童繞

衣飛撲撲桑村樵黑蠶再眠小姑採桑不餉田江南熟
早天氣毒雨中移秧顏色鮮一年耕種長苦辛田熟家
家將賽神 宋陸游農家秋晚戲詠鞭地如鏡築我塲
破礮玉粒輸官倉九月野空天欲霜甌中初喜新稂香
舍邊蕭蕭落葉多野蠶出繭飛黃蛾寒蔬種罷醉且歌
隻雞短紙賽園婆 楊萬里插秧歌田夫拋秧田婦接
小兒拔秧大兒插笠是兒登蓑是甲雨從頭上濕到脚
喚渠朝餐歇半霎低頭折腰只不荅秧根未牢時未匝

照管鵝兒與雛鴨

五言律詩

御製
觀苗無意到潭柘詠時景
晝永薰風至清泉泱泱長
芳年添景色遲日換流光
舊竹隨隄發新花滿澗香
觀苗不覺晚微雨點衣裳

原唐杜甫茅堂檢校收稻二首
香稻三秋末平田百頃
間喜無多屋宇幸不礙雲山
御袂侵寒氣嘗新破旅顏
紅鮮終日有玉粒未吾慳
稻米炊能白秋葵煮復新

誰云滑易飽老藉軟俱勻種幸房州熟苗同伊闕春無
勞映渠盎自有色如銀 暫往白帝復還東屯復作歸

田去猶殘獲稻功築塲憐穴蟻拾穗許村童落杵光輝
白除芒子粒紅加餐可扶老倉庾慰飄蓬 宋陸游統

分稻晚歸出裏一簞飯歸收百把禾勤勞解堪忍餘暇
更吟哦歲惡增吾困家貧賴汝多村醪莫辭醉羹芋學
岷峨 明石沆觀稻稻水千區映村烟幾處斜冷風低
起樹輕浪細浮花鳥雀深深圃鳬鷺淺淺沙社歌聲不

絕於此見年華

七言律詩

御製入關見雨膏潤澤禾苗茂遂喜而有作甘雨時霖為
洗兵恰逢戰勝武功成軍容萬隊初旋凱婦子千村正
饁耕天意要荒同職貢人歡閭井共昇平征途每憶民
生事喜見桑麻愜此情

增唐唐彥謙西明寺威公盆池新稻為笑江南種稻時
露蟬鳴後雨霏霏蓮盆積潤分畦小藻井垂陰擢秀稀

得地又生金粟界結根仍對水田衣支公尚有三吳思

更使幽人憶釣磯 宋唐庚端孺羅米龍川得稞孺數

十斛以歸作詩調之倒拔孤舟入瘴烟歸來百斛瀉豐

年炊香未數神江白釀滑偏宜佛跡泉飽去定知頻夢

與醉中何至便妨禪憑君為比長安米看直公車牘幾

千 楊萬里種秧田底泥中跡尚深折花和葉插畦心

晚秧初撚金絨線先種輸他綠玉鍼雲壠霧疇俱水響

絲風毛雨政春深莫聽布穀相煎急且為提壺強勸斟

朱子次秀野泛滄波館至赤石觀刈早稻韻綠雲黃
半武夷鄉碧水縈紆一帶長聞道放船飛阜蓋定知行
酒載紅裳權謳如賀豐年信樂飲間酬此日涼禾黍誰
言不陽艷晚炊流詠有餘香 明顧清獲稻用分秧韻
負郭園池帶宅田老晴天氣太平年獲來禾稻叢高廩
散出牛羊滿近川饋起甑山騰霧靄蟻香醅甕起淪漣
斜陽一枕西牕夢縱有丹青不與傳

五言排律增字歐陽修和劉原父從幸後苑觀稻呈講

筵諸公禁籞皇居接香畦鏤檻邊分渠自靈沼種稻滿
漉田六穀名居首三農政所先擢莖蒙德茂養實以時
堅曉謁龍池罷行瞻鳳蓋翩粹容知喜色嘉瑞奏豐年
哀病慙經學陪遊與俊賢安知帝力及但樂歲功全拜
賜秋風裏分行黼座前自憐臺笠叟來綴侍臣篇

五言絕句增唐韓愈和虢州劉使君稻畦罪布畦堪數
枝分水莫尋魚肥知已秀鶴沒覺初深 宋梅堯臣稻
畦淺淺碧水平青青稻苗長偏知楚客愛白鷺飛下上

七言絕句

御製題耕圖
浸種暄和節候肇
農功自此勤勞處
處同早
辨東田種
種寒裳涉水浸筠籠
耕土膏初動正春

晴野老支筇
早課耕辛苦田家
惟穡事隴邊時聽叱牛
聲
耜耨每當盱食念民依
南畝三時願不違
已見深
耕還易耨
綠蓑青笠雨霏霏
耒東阡西陌水潺湲
扶
耒泥塗未得閒
為念饔飧由力作
敢辭竭蹶向田間
碌碌老農力穡慮偏周
早夜扶犁未肯休
更駕烏犍施

碌碡好教春水滿平疇 布秧農家布種避春寒甲圻

初萌最可觀自昔虞書傳播穀民間莫作等閒看 初

秧一年農事在春深無限田家望歲心最愛清和天氣

好綠疇千頃露秧鍼 淤陰從來土沃藉農勤豐歉皆

由用力分薙草灑灰滋地利心期千畝稼如雲 拔秧

青蔥刺水滿平川移植西疇更勃然節序驚心忙種迫

分秧湏及夏初天二插秧千畦水澤正瀾瀾競插新秧

恐後時亞旅同心欣力作月明歸去莫嫌遲 一耘豐

苗翼翼出清波美稗叢生可若何非種自應焚薶盡莫
教稂莠敗嘉禾 二耘曾為耘苗結隊行更憂宿草去
還生隴間餽饁頻來往勞勩田家婦子情 三耘攬耜
盈畦日正長復勤穠蔭下方塘堪憐曝背炎蒸下惟冀
青疇發紫芒 灌溉塍田六月水泉微引溜通渠迅若
飛轉盡桔槔筋力瘁斜陽西下未言歸 收刈滿目黃
雲曉露晞腰鎌穫稻喜晴暉兒童處處收遺穗村舍家
家荷擔歸 登場年穀豐穰萬寶成築場納稼積如京

迴思望杏瞻蒲日多少辛勤感倍生
持穗南畝秋來

慶阜成瞿瞿未釋老農情霜天曉起呼鄰里
遍聽村村打稻聲
春碓秋林苑屋晚風吹杵臼相依近短籬比

舍春聲如和荅家家篝火夜深時
簾謾言嘉穀可登

盤穠秣還憂欲去難粒粒皆從辛苦得農家真作雨珠
看
簸揚作苦三時用力深簸揚偏愛近風林須知白

粲流匙滑費盡農夫百種心
礪經營阡陌苦胼胝艱

食由來念阻饑且喜稼成登石磴從茲鼓腹樂雍熙

入倉倉箱頓滿各欣然補葺牛牢雨雪天
晒到蓋藏休暇日從前拮据已經年
祭神東疇舉趾祝年豐喜見盈寧百室同粒
我烝民遺澤遠吹豳擊鼓報難窮
暢春園觀稻時七月十一日也七月紫芒五里香近園遺種祝禎祥炎方塞北皆稱瑞稼穡天工樂歲穰

增唐韋莊稻田綠波春浪滿前陂極目連雲
耙極肥更被鷺鷥萬千點雪破烟來入畫屏飛
宋滕白觀稻稻穗登場穀滿車家家雞犬更桑
麻漫栽木槿成籬落已得

清陰又得花 週遭圩岸繞山城一眼圩田翠不分行

到秋苗初熟處翠茸錦上織黃雲 范成大插秧種密

移疎綠毯平行間清淺陂紋生誰知細細青青草中有

豐年擊壤聲 東門外觀刈熟潮到靈橋綠繞船海邊

力穡屢豐年淡青山色深黃稻恰似胥門九月天 陸

游秋晚新築場如鏡面平家家歡喜賀秋成老來懶惰

慙丁壯美睡中聞打稻聲 夜聞鄰家治稻二頃春蕪

廢不耕半生名宦竟何成歸來每羨鄰家樂月下風傳

打稻聲 稻飯買得烏犍遇歲穰此身永免屬官倉塘
南塘北九千頃八月村村稻飯香 劉詵秧老歌三月
四月江南村村插秧無朝昏紅妝少婦荷鉢出白頭
老人驅犢奔

詩散句增漢茅山父老歌佳雨灌畦稻陸田亦復周

唐李邕負郭喜杭稻安時歌吉祥 杜甫荆扉臨野碓

半濕搗香杭 雲帆轉遼海粳稻來東吳 白居易稻

飯紅似花調沃新酪漿 元稹年年十月暮珠稻欲垂

新李賀昌谷五月稻細青滿平水 杜牧罷亞百頃

稻西風吹半黃 宋蘇軾共看山下稻涼葉晚翻翻

郭祥正選種隨土宜播植糯與秔 陸游穫稻黃雲卷

春稷玉粒新 新蔬經雨綠晚稻得霜紅 白稻雨中

熟黃鸝桑下鳴 戴復古稻田秋後雀茅舍午時雞

張伯玉穠稌西成稻逍遙北海尊 元李孝光日氣常

蒸稻天香喜釀花 原唐杜甫東屯稻畦一百頃北有

澗水通青苗 稻米流脂粟米白公私倉廩俱豐實

宋蘇軾翠浪舞翻紅穠稭白雲穿破碧玲瓏 君家稻

田冠西蜀搗玉揚珠三萬斛 增張耒裹飯送君吾豈

敢黃雲穠稭連東臯 原毛滂百里飽看紅穠稭一杯

輕愧黑蜿蜒 何扶良田腴無西東穠稭卧畦雲滿

叢 十里稻香新綠野一聲歌斷舊青樓 增陸游未

論蓴羹與羊酪新杭要勝太倉紅 水魚可釣羹材足

霜稻方登糴價平 春雨乍晴霜吐葉秋風初冷稻吹

花 築陂處處移新稻乘屋家家補破茆 春粳入甑

香炊玉壓酒鳴槽滴碎珠 萬里秋風菰菜老一川明

月稻花香 泥融無塊水初渾雨細有痕秧正綠 僧

惠洪想見龍城山下路一川秋色稻花風 元李孝光

梅月逢庚江雨歇稻花迎午水風涼 梁庾肩吾青花

出稻苗 原周庾信六月蟬鳴稻 增唐王維鄖國稻

苗秀 杜甫秔稻共比屋 稻穫空雲水 嘗稻雪翻

匙 秔稻熟天風 李頎白甌貯香粳 李嘉祐時雨

稻秔齊 柳宗元霜稻侵山平 韓愈刈稻擔肩頰

張籍野氣稻苗風 孟郊種稻耕白水 浙玉炊香粳

白居易綠秧早稻 紅粒綠渾稻 鹿米麋牙稻

朱慶餘雨餘稻苗深 許渾霜秔野碓舂 方干香

粳倩水舂 鄭谷開懷江稻熟 韋莊稻熟渚禽肥

田深黍稻低 錢珣晚晴貪穫稻 宋梅堯臣清風生

稻花 王安石黃焦下澤稻 范成大稻穗黃欲卧

陸游雲碓舂秔白 園丁刈霜稻 露下稻花香 金

完顏璫禾短新村塋 元劉因脈脈稻分溝 方夔移

秧趁芒種 李孝光城裏鑑湖稻 原唐杜甫香稻啄

殘鸚鵡粒 增李嘉祐萬畦新稻傍山村 李賀荒畦

九月稻又芽 李郢小田微雨稻苗香 皮日休處處

路傍千頃稻 殷璠千里稻花應秀色 韋莊稻花香

澤水千畦 南畝秋風白稻肥 秋雨幾家紅稻熟

滿畦秋水稻苗平 杜荀鶴稻苗平入水雲間 宋梅

堯臣霜前稻熟蒼紅稈 王安石畦稻新舂滑欲流

稻畦歲水綠秧齊 蘇軾烏程霜稻襲人香 紅稻白

魚飽兒女 黃庭堅禾舂玉粒送官倉 王炎稻如馬

尾覆溝塍 范成大江頭一尺稻花雨 陸游稻陂雨

細豐年候 壓塍霜稻報豐年 稻壠青秧漫漫平

雨足人畦千頃稻 楊萬里早黃稻穗已長鬚 元馬

祖常江田稻花露始零 李孝光稻盡秋田孕更青

詞增宋曹文龍點絳唇霜落吳江萬畦香稻來塲圃夜

村春處茅屋寒燈雨 玉粒長腰沉水溫溫注相留住

共抄雲子更聽歌聲駐

別錄原田家五行雨水節燒乾鑊以糯稻爆之謂之字
婁花占稻色自早禾至晚稻皆爆一握各以器列比並
分數斷高下以番白多為勝卜人口亦如之種稻甲
子戌辰巳巳庚午辛未壬申癸酉甲戌丙子丁丑戌寅
巳卯癸未甲申戊子巳丑庚寅辛卯甲午庚子辛丑壬
寅甲辰丙午丁未戌申巳酉壬子癸丑庚申辛酉壬戌
癸亥成收開日忌平閉丑日 犂田須犂耜三四遍青
草或糞穰灰土厚鋪於內會爛打平方可撒種則肥而

發旺 浸種宜甲戌壬午壬辰成開日早稻清明節前
浸晚稻穀雨前後浸用稻草包裹一斗或二三斗投於
池塘水內缸內亦可晝浸夜收不用長流水難得生芽
若未出用草會之浸三四日微見白芽如鍼尖大取出
於陰處陰乾密撒田內候八九日秧青放水浸之糯稻
出芽較遲浸八九日如前微見白芽方可種撒時必晴
明則苗易豎亦須看潮候二三日復撒稻草灰於上易
生根 插秧庚午辛未癸酉丙子巳卯壬午癸未甲申

甲午巳亥庚子癸卯甲辰丙午戊申巳酉巳未辛酉戌

收開日芒種前後插之早稻宜上旬拔秧時輕手拔出

就水洗根去泥約八九十根作一小束却於犂熟水田

內插栽每四五根為一叢約離六七寸插一叢脚不宜

頻那舒手只插六叢却那一遍再插六叢再那一遍逐

漸插去務要整直 搗稻稻初發時用搗耙于稌行中

搗去稗草易耘搜鬆稻根則易旺 耘稻搗稻後將灰

糞或麻豆餅屑撒田內用水耘去草盡淨近秋放水將

田泥塗光謂之煆稻待土裂車水浸灌之謂之還水穀成熟方可去水或遇天少雨急鋤一遍弗令開裂俟天興雲則澆肥糞待兩弗致缺水則稻發不過 水稻稻之名不一然非水則無以生種藝之法宜選上流出水使其性也種稻者蓄陂塘以豬之置隄閘以止之種時先放水十日後曳碌礮十遍地既熟淨然後下種候苗生五六寸拔而秧之高七八寸則耘之耘畢放水煆之欲秀復用水浸之苗既長茂復薅拔以去稂莠農家收

穫尤當及時江南上雨下水收稻必用喬杆笊架乃不遺失 旱稻宜用下田齊民要術曰凡下田停水處燥則堅垆濕則汙泥難治而易荒垆堦而殺種春耕者殺種尤甚故宜五六月曠之以擬大麥如水澇不得種九月一轉至春種稻萬不失一凡種下田不問秋夏候水盡地白背時速耕耙耨頻翻令熟二月半種稻為上時三月為中時四月初及半為下時漬種令開口耨耩掩種之即再遍耨苗長三寸耙耨而鋤之鋤欲速每經一

雨輒耙耨苗高尺許則冒雨薈之科大如概者五六月
中霖雨時拔而栽之入七月不復任栽今閩中有占城
種即黃私也性耐旱高仰處皆宜種謂之旱占其米粒
大而且甘早種早熟六十日即可穫為旱稻佳種北方
水源頗少惟陸地霑濕處種稻其耕鋤薈拔一如前法
增齊民要術治旱稻赤米令飯白法莫問冬夏常以
熟湯浸米一食久然後以手接之湯令瀉去即以冷水
淘沃接去白乃止飯色潔白無異清流之米又睇赤稻

一白米裏著蒿葉一把白鹽一把白肺之即絕白

御定佩文齋廣羣芳譜卷八

謹案卷七第十二頁前八行彼黍離離按史記作

禾黍油油

第十六頁前八行元王楨芟麥歌刊本脫元字今

增

第十七頁後二行去冬無雪不相宜刊本宜訛疑

據大全集改

第二十二頁前三行杜荀鶴刊本鶴訛鶴據唐詩

小傳改

卷八第八頁後二行命脩復隄閘歲獲秔稻蒲魚
刊本脩復訛復脩獲訛獲據唐書改

第九頁後四行蓋旱稻也刊本旱訛旱據宋史改
第十一頁前八行風行象林刊本行訛俗據水經
注改


第十一頁後五行摩揭陀有異稻刊本陀訛院據
唐詩改

第十七頁前二行宋李觀刊本脫宋字今增

第二十一頁後一行小姑採桑不餉田刊本餉訛
向據唐詩改

金
石
文
選





總校官庶吉士臣侍朝

校對官檢討臣王福清

謄錄監生臣宣葆光

謄錄監生臣王以謹